

Bájkkeavijssa NuorttaSálto



Tæksta: Geir Smelror
Járggálibme: Divate Media AS

“Bæsta”: - Midjij gájkajda le “Bæsta” gieruk, subtsas gáro bieles máttaráhkkov Silvia Ellingsen ja áhkkova Vianni ja Magda Knutsen
“Ho besta”: – Vi er alle så glad i “ho besta” sier fra v. oldebarnne Silvia Ellingsen og barnebarna Vianni og Magda Knutsen.

Bæsta 100 jage állij

■ Tjuohtejagák Ellen Nikoline Knutsen aktan áhkkovij máttaráhkkovij ja máttarmáttaráhkkovij sadjásasj suohkanoajvev duostoj, ietjas sijdan Ájluovtan.

Guttorm Aasebøstøl suohkana bieles buvtij dadnefádiv, giedjektjadnusav ja tjáppa marsipangáhkov
- Iv heva sámásta, valla oahppam lev vuorbádusáv sávvát riegádambæjvváj, subtsastij sadjásasj suohkanoajvev ja duoddistij Divtasvuona suohkanij le stuorra guddne gå siján le 100 jagák viesát. 16 jage li gállám vásse báles gå suohkanin lej 100 jagák.
Duodden suohkana berustibmáj bádiv aj vuorbbesávdusá Gånágisás telegrámma baktu.

Álov vásedam

Ellen Nikoline Knutsen jali “Bæsta” gáktu Ájluovtan gáhtjoduvvá riegádij sijnilltjamáno 14. biejev Råssenjárgan Divtasvuonan ja lij gietjav oarbberis vuorrasamos. John Knutsenijn vállduj, valla árbbátjin bátsij aktan gietjav mánáj gå lij 47 jagák. Bagádus guhka ja buorre

iellemij Ellena milta le barggat ja Jubmelij jáhkket. Mælggadav tsaggeieddnen

bargaj ja bargo baktu le ádá divtasvuonagijt værárdij viehkedam. Dállá tjuohtejagák Bjørkvikan árru nuoramus bárne ja suv fámilja siegen.

Mánájs berus

Ellena 68 áhkkova, máttaráhkkova ja máttarmáttaráhkkova li suv gærrásabmusa. Siján le aj stuorra hukso “Bæstas”. Máttaráhkkov Silvia Ellingsen subtsas Ellen le vilá tjielgas ja gájkajt dábdá, valla le hálvva tjalmijs ja bieljijs.

- Vierttip vuodjet suv duok diek Ájluovtan ulmuttij guossáj. Ellen le juohkkahattaj gieres, soajttá dan diehti gå agev le iehtjádijt huksam ja gieresvuodav vuosedam, subtsas Silvia.

Rabás ávvudallam

Vásse lávvodagá lidjin birrusij 300 guosse dáppet dáppet Ellenav ávvudallamin. Lidjin njálga biebm, hála, lávllaga ja hávsskudallam.

- Tjuohtejagák hávsskudallamij oassálasstij iehkedisidjaj, subtsas Silvia ja “Bæsta” lij riek gijtevasj sávdusáj ávdás ja diehttelis aj gájkka vattáldagájs ávdás majt oattjoj dán stuorra bæjvváj.



Ellen Nikoline Knutsen, 100 jage/ár